

MAJLIS BANDARAYA SHAH ALAM
(BAHAGIAN KORPORAT DAN PERHUBUNGAN AWAM)

AKHBAR : SINAR HARIAN
TARIKH / HARI : 24 JANUARI 2017 (SELASA)



Sebahagian peserta yang menyertai program Shah Alam Hari Tanpa Kenderaan 2017 di Dataran Kemerdekaan, Ahad lalu.

SHAH ALAM - Majlis Bandaraya Shah Alam (MBSA) buat julung kalinya menganjurkan Program Shah Alam Hari Tanpa Kenderaan 2017 di Dataran Kemerdekaan, Seksyen 14, di sini, Ahad lalu.

Program Shah Alam Hari Tanpa Kenderaan 2017 ini diadakan bertujuan untuk melahirkan warga Shah Alam yang mengamalkan gaya hidup sihat, di samping mengurangkan penggunaan kenderaan di atas jalan raya yang menyebabkan pelepasan gas karbon monoksida yang boleh mencemar alam sekitar.

Ketua Bahagian Korporat dan Perhubungan Awam MBSA, Shahrin Ahmad berkata, sepanjang program ini, orang ramai hanya dibenarkan untuk menggunakan basikal, roller blade, papan luncur, hover board, berjalan kaki, dan skuter blade di sekitar kawasan pusat bandaraya.

"Antara pengisian program ini adalah

pelepasan peserta untuk aktiviti riadah seperti berbasikal, acara berjalan kaki dan persembahan pentas oleh kombo MBSA.

"Selain itu, terdapat juga gerai pameran seperti pameran kesihatan, pameran oleh penaja dan pameran dari agensi-agensi luar," katanya menerusi kenyataan.

Shahrin berkata, warga Shah Alam juga berpeluang untuk membeli makanan di food truck, jualan barangan/pakaian sukan, bazar seni dan pameran seni, produk hijau (Green Eco Product), jualan baja kompos, dan jualan bungan hiasan/pokok buah-buahan.

Katanya lagi, bagi menarik penyertaan orang ramai, pihak MBSA turut menyediakan sewaan peralatan basikal dan roller blade.

"Matlamat penganjuran program ini memberi fokus terhadap aspek penjagaan alam sekitar ke arah menjadikan Shah Alam Bandar Raya Rendah Karbon tahun 2030," katanya.